

# Die Wolkskool: Gereelde vrae

## Leerders en Ouers

### Wat is Die Wolkskool?

Die Wolkskool is 'n inisiatief van die Skoleondersteuningsentrum (SOS), 'n nie-winsgewende organisasie wat deel is van die Solidariteit Beweging. Die SOS staan vir die bevordering van gehalte-onderrig in Afrikaans.

Die Wolkskool is 'n wêreld-gehalte aanlyn leerderbestuurstelsel met inhoud wat aansluit by nuwe, moderne wêreldgehalte onderwysinisiatiewe wat leerders toerus vir die 21ste eeu.

Die Wolkskool se fokus is tans gemik op vervlegte leer en kan as aanvullend tot die kurrikulum in skole gebruik word. Ons is nie beskikbaar as 'n tuisonderrig instansie nie. Ons bied ongelukkig nog nie alle vakke wat 'n leerder sal benodig om 'n volle skooljaar te voltooi nie. Ons gee ook nie die geleentheid om toetse of eksamens af te lê nie. Die Wolkskool ondersteun slegs skole en tuisonderrig - leerders moet dus steeds by 'n opvoedingsinstansie geregistreer wees.

### Wat bied Die Wolkskool?

Die Wolkskool bied lesse in video-formaat, aanlyn assesserings, werkkaarte en aflaaibare werkboeke wat leerders in hul eie tyd, vanaf enige plek en teen hul eie pas aanvullend tot skoolonderrig kan deurwerk. Die Wolkskoollesse word opgestel deur die ervare SOS-onderwysers (ofte wel Wolkskooldosente) en volg die amptelike KABV kurrikulum van Suid-Afrika. Wolkskool-inhoud word stelselmatig meer en beter namate materiaal vir vakke en grade aangevul word. Die Inhoud is beskikbaar vir Graad 1 tot 12

### Wat kos Die Wolkskool?

Die Wolkskool Koste vir 2023 sluit in alle grade en vakke.

Die kostes is soos volg:

- Vir individue\* per maand per leerder (maand-tot-maand) : R 135.00

Daar is tans 2 betaling opsies beskikbaar.

1. Die eerste is 'n EFT.
2. Die tweede opsie word deur 'n maandelikse kaart aftrekking gedoen (maand tot maand). Jou kaart moet dus op jou [Wolkskoolprofiel](#) gelaai word. Let wel, indien jou kaart op die profiel gestoor is, sal die bedrag elke maand outomaties verhaal word tot jy self die kaart verwyder. Julle kan gerus enige tyd jul profiel/betaling kanselleer deur die kaart te verwyder.

Gebruik jou bestaande profiel of skep 'n nuwe een as jy nog nooit van tevore op Die Wolkskool geregistreer het nie.

Hoe om jou kaart te laai:

1. [Teken in](#) op Die Wolkskool

**Commented [AB1]:** Oorweeg om hierdie in te sluit in 'n nuwe, aparte vraag: Hoe betaal ek?

2. Gaan na [My Profiel](#)
3. Klik op [Laai Kaart](#) heel onderaan jou profielblad
4. Vul die korrekte besonderhede in en klik op "Stoor Kaart"

## Is daar 'n Engelse aanbod van Die Wolkskool?

Hier by die Skoleondersteuningsentrum glo ons sterk aan die waarde van moedertaalonderrig. Daar is internasionaal en plaaslik verskeie aanlyn opsies in Engels beskikbaar. Die Wolkskool fokus daarop om ook gehalte, aanlyn onderrig in Afrikaans aan te bied.

Indien jou skool parallelmedium is en soortgelyke ondersteuning aan jul Engelse leerders wil voorsien, is daar 'n paar goeie opsies beskikbaar:

1. <https://egdlearning.co.za/egd-digital-learning/>
2. <https://e-academyonline.co.za/>
3. <https://pocketacademy.co.za/>
4. <https://mathsbuddy.co.za/>
5. <https://m.siyavula.com/>
6. <https://www.mytopdog.co.za/>
7. [Thuma Mina Teaching](#)

Die Wolkskool het reeds begin met Engels Eerste Addisionele Taal om aan die behoefte van Afrikaanse leerders te voldoen.

## Hoe registreer ek / sluit ek aan?

Indien jy nog nie voorheen geregistreer/aangesluit het nie, volg hierdie **eenvoudige** **stappe**:

1. Sluit hier aan: <https://wolkskool.co.za/sluit-aan>
2. Kies leerder of onderwyser
3. Verskaf jou naam, van, e-posadres en wagwoord
4. Vul al die besonderhede\*\* korrek in by die skerm wat volg
5. Kies jou graad (jy kan dit later verander)

\* Indien jy reeds ingeteken is en nog 'n registrasie wil doen, sorg eers dat jy uitteken uit die bestaande profiel: <https://wolkskool.co.za/teken-uit>. Jy kan ook deur jou profiel uitteken.

Volg daarna die stappe hierbo

## Hoe registreer ek meer as een kind?

- Elke leerder wat registreer, moet 'n unieke e-posadres of e-pos-alias hê.
- Jy kan van e-pos-aliasse gebruik maak om hierdie beperking te omseil. Ook as jou kind jonger as 13 is, mag hy/sy volgens wet nie 'n e-posadres hê nie.

### Hoe werk 'n e-pos-alias?

Gmail het die voordeel van e-pos-aliasse. As jy nie een het nie, [skep vir jou 'n Gmail adres](#).

As jy dan een het, kan jy aliasse gebruik om jou kinders te registreer en te laat inteken.

Gestel jou e-posadres is [kiewiet@gmail.com](mailto:kiewiet@gmail.com) en jou kind se naam is Kuiken, dan kan jy jou e-posadres so manipuleer dat dit anders lyk, maar steeds geldig is, bv.

**E-posadres:** [kiewiet@gmail.com](mailto:kiewiet@gmail.com)

**E-pos-alias:** [kiewiet+kuiken@gmail.com](mailto:kiewiet+kuiken@gmail.com)

Alles na die "+" en voor die "@" word deur die stelsels geïgnoreer en sal in jou inboks beland.

**Commented [AB2]:** Kyk asseblief of daar nie 'n video bestaan wat die stappe verduidelik nie. Verwys dan asseblief daarna

**Commented [AB3]:** Indien 'n leerder, mis ek 'n stap waar die ouer sy/haar toestemming moet gee. Maak dit duidelik dat die POPI-wet dit vereis.

**Commented [AB4]:** Maak asseblief seker of hierdie skakel nog geldig is.

Dit gaan dus oor hóé jy die e-posadres intik. Niks word aan Gmail se kant gedoen om dit te laat werk nie.

Hier is 'n skakel na hoe mens dit ook kan regkry by ander e-posverskaffers: <https://help.wodify.com/hc/en-us/articles/234441508-How-Do-I-Create-an-Email-Alias->

## Kan ek twee rekeninge aan mekaar koppel?

Koppeling tussen rekeninge is tans nie moontlik nie. Elke leerder moet apart aansluit. Onderwysers kan wel klasse skep en leerders daaraan koppel.

Commented [NS5]: @Minet van Wyk Kan ek twee rekeninge aan mekaar koppel?

## Hoe verander ek my graad?

Wolkskool lede het toegang tot alle grade en vakke. Volg asseblief hierdie stappe om tussen grade te wissel:

1. Druk op die afpyltjie langs jou naam links bo
2. Kies My Profiel
3. Druk op "Verander Graad"
4. Druk op die graad van jou keuse
5. Druk op Tuis
6. Druk op Inhoud op die linkerkantste paneel

## Hoe verander ek my e-posadres?

1. [Teken in](#)
2. Gaan na jou profiel (of klik op <https://wolkskool.co.za/profiel>)
3. Verander jou e-posadres
4. Klik op die oranje "Verander Profiel"

## Hoe verander ek my wagwoord?

As jy ingeteken is:

1. Gaan na jou profiel (of klik op <https://wolkskool.co.za/profiel>) en verander jou wagwoord.

As jy nie ingeteken is nie:

1. Gaan na die [intekenskerm](#)
2. Druk op [Verander jou wagwoord](#)
3. Voorsien jou e-posadres waarmee jy gewoonlik inteken
4. Druk op die "Verander wagwoord" oranje knop
5. Wag vir die e-pos om te verskyn in jou inboks
6. Lees die boodskap in die e-pos en druk op [Herstel wagwoord](#)
7. Wag vir die blad om oop te maak wat jou nuwe wagwoord vra .
8. Bevestig jou wagwoord en druk die "Verander wagwoord" knop.
9. [Teken in](#) met jou nuwe wagwoord.

## Waarom kan ek nie my wagwoord verander nie?

Daar is soms probleme om 'n wagwoord te verander weens die volgende redes:

1. Jy kry nie die e-pos nie:
  - Maak seker jou e-posadres is geldig. Kyk by [My Profiel](#).
  - Dit neem soms 'n tydjie voordat jy jou e-pos kry (maksimum 5 minute).
  - Kyk in jou "Junk Mail" of dit nie dalk daar beland het nie.

2. Die skakel op "Herstel wagwoord" in die e-pos werk nie. Jy kry 'n foutboodskap "Page not found":
- Javascript is nie op jou toestel se webblaaier (browser) aangeskakel nie of jy gebruik 'n ou webblaaier soos Internet Explorer.
  - Gebruik Chrome as webblaaier of gaan na 'n ander toestel (selfoon of rekenaar) om die skakel te gebruik en jou wagwoord te verander.

As jy steeds nie regkom nie, stuur asseblief 'n e-pos aan [wolkskool@skole.co.za](mailto:wolkskool@skole.co.za)

## Hoe koppel ek my profiel aan my skool?

Stappe wat jy moet volg om jou profiel aan die skool se betaling te koppel:

**Skep 'n profiel by <https://wolkskool.co.za/sluit-aan>** (slegs indien die profiel nog nie bestaan nie).

- Kyk na die <https://youtu.be/YUeLN1DTLVg> vir duidelike instruksies
- Maak 100% seker dat die **korrekte ID-nummer** van die leerder (soos wat dit op die **geboortesertifikaat** voorkom) ingevul word. (Die ID-nummer word gebruik om die koppeling met die skool te doen.)
- Kyk ook na die vraag *Hoe registreer ek / sluit ek aan?* en *Moet elke gebruiker sy eie e-posadres hê?* op <https://skole.co.za/wolkskoolvrae/>

Indien jy reeds 'n profiel gehad het, moet jy inteken op Die Wolkskool vir die koppeling om te aktiveer. Jou profiel behoort dan gekoppel te wees met die skool se betaling en jy sal nie meer 'n kennisgewing op <https://wolkskool.co.za/tuis> kry dat jy 'n betaling moet maak nie.

Indien jy steeds betalingskennisgewings kry, stuur 'n e-pos met die ID-nummer, naam en e-posadres van die leerder aan [wolkskool@skole.co.za](mailto:wolkskool@skole.co.za) of gebruik die "**Kontak ons**"-vorm (<https://wolkskool.co.za/kontak>)

Laai gerus die **Wolkskool-handleiding vir ouers** af by <https://wp.me/aaknbq-3b4>.

## Hoe sluit ek aan by 'n klas? Hoe kry ek die unieke klaskamerkode?

Indien jy toegang het tot Die Wolkskool, het jy **toegang tot alle vakke, video's, werkboeke, werkkaarte en assesserings wat deur Die Wolkskool opgestel is**. Die klaskamers is slegs van toepassing as jou onderwyser dit opgestel het. Dit word byvoorbeeld deur die onderwyser gebruik om boodskappe te stuur, opdragte te gee, dokumente te deel, ens. Daardie dokumente is dan slegs toeganklik deur die betrokke klaskamer waarin dit opgestel is.

Sodra jou onderwyser registreer en die klas se opstelling gedoen het, sal jy 'n kode per e-pos ontvang om deel te raak van die klaskamer.

Indien jy die kode ontvang het, volg die stappe om aan te sluit by 'n klas:

1. Klik op "[Sluit aan by 'n klas?](#)"
2. Kopieer en plak die klaskode in die "Unieke klaskode" teksboks
3. Klik op "Sluit aan"
4. Wag vir jou onderwyser om jou aansluiting te bevestig

## Kan ons deur Wolkskool tuisskool/ Is Wolkskool 'n aanlyn skool?

Die Wolkskool is n uitstekende leerbestuurstelsel en met volledige, CAPS- belynde kurrikulum inhoud (werkkaarte, videos en assesserings). Onderwysers kan Die Wolkskool handig gebruik vir voorbereiding, inoefening en kennisoordrag. Individuele leerders kan Die Wolkskool vir aanvulling, hersiening of remediërend gebruik terwyl hulle in 'n skool is.

Die Wolkskool is NIE 'N AANLYN SKOOL, TUISSKOOLINSTANSIE OF 'N OORBRUGGINGSKURSUS NIE. Die Wolkskool is slegs ondersteunend en dien as hulpbron vir onderwysers en leerders. Daar word gereelde vorderingsverslae verskaf, maar Die Wolkskool gee nie geleentheid om formele eksamens af te lê nie en geen rapporte of sertifikate word uitgereik nie.

Tot en met Graad 9 moet kinders volgens wet by 'n opvoedingsinstansie geregistreer wees of bewys kan lewer dat hulle onderrig ontvang. Vir tuisonderrig moet 'n ouer by 'n tuisskoolinstansie of -diensverskaffer registreer. Tuisskoolinstansies wat Die Wolkskool insluit as deel van hul onderrig aanbod, sluit in:

- AfstandleerPlus by <https://afstandsleer.co.za/>
- Nukleus by <https://nukleus.co.za/>.

Hierdie bron m.b.t. tuisskoolonderrig mag nuttig wees: <https://www.sahomeschoolers.org/curriculums/afrikaans.html>.

Tuisonderrig het heelwat uitdagings, daarom beveel ons by die SOS dit nie as n reël aan nie. Lees gerus die insiggewende artikel oor tuisonderrig by <https://gildes.solidariteit.co.za/onderwys-is-tuisskool-steeds-n-vloekwoord-in-suid-afrika/>

## Hoe werk die assesserings, toetse, eksamens en memorandums?

[onderhewig aan verandering]

### Formele toetse/eksamens

Die Wolkskool is nie 'n skool op sy eie nie en neem nie formele toetse of eksamens af nie. Sien die vraag "Kan ons deur Wolkskool tuisskool/ Is Wolkskool 'n aanlyn skool?" op [skole.co.za/wolkskoolvrae](https://skole.co.za/wolkskoolvrae).

### Vraestelle en memorandums

Die Wolkskool stel nie elke kwartaal vraestelle en/of memorandums beskikbaar nie. Van die vraestelle met memorandums is wel beskikbaar vir die SOS lede, d.w.s. vir onderwysers op die [onderwysersplatform](#).

Daar word soms vraestelle met memorandums op [Markplein](#) beskikbaar gestel, ons koop-en verkoopplatform.

### Gestandaardiseerde eksamen (GSE)

Die SOS stel elke jaar 'n gestandaardiseerde eksamen (GSE) van uitsonderlike hoë standaard met die hulp van kundiges op wat deur duisende kinders by verskeie skole afgelê word.

Daar word jaarliks 'n [GSE-verslag](#) bekend gestel.

**Leerders kan nie hiervoor inskryf nie.** Skole skryf in en dit word onderling met die SOS gereël.

### Rekordeksamen vir matrieks

Elke jaar word daar vir Wiskunde 'n eksamen op Die Wolkskool geplaas wat matrieks aanlyn kan aflê.

### Informele assessering (binne lesse)

Die assesserings wat leerders na elke Wolkskoolles doen, is die goue draad van die Wolkskool. Dit wys aan **(a) leerders** of hulle die konsepte bemeester het wat in die les behandel is, dit wys aan **(b) ouers** die vordering wat hulle kind(ers) maak in die tweeweklikse verslag en dit gee aan **(c) onderwysers** 'n kragtige instrument om in een oogopslag te bepaal waar die hele klas en leerders staan.

Wolkskoolassesserings **gaan nie oor punte nie**, maar om leerders te help om gapings in hul kennis raak te sien en dadelik aan te spreek. Met leerders wat in hul eie tyd, op enige plek en teen hul eie pas die video's oor en oor kan kyk en die assesserings oor en oor kan doen totdat hulle dit **bemeester** het, is daar dus geen verskoning vir leerders om nie 100% vir die assesserings te kry nie.

### Opsommings en memorandums

Die aflaaibare kwartaallike werkboeke in die lesse wat die leerders met die hulp van memorandums self voltooi, word uiteindelik die opsommings. Sien die vraag "Hoe werk die werkboeke" op [skole.co.za/wolkskoolvrae](https://skole.co.za/wolkskoolvrae).

### Hoe werk die werkboeke?

#### Hoekom werkboeke/werkkaarte?

Die Wolkskool het in 2020 begin om werkkaarte geleidelik om te skakel in werkboeke. Die werkboeke is baie gewild en sommige skole gebruik uitdrukke daarvan as hul leerders se primêre werkboek. Die werkboeke word hand-aan-hand met die video's en assesserings saamgestel en daar is selfs bladsyverwysings na die algemene handboeke wat in skole gebruik word. Saam met die werkboek kom daar 'n memorandum. Die memorandum is van groot hulp vir ouers om hul kinders by te staan, maar dit is ook baie belangrik om selfgerigte leer verantwoordelikheid te bevorder.

#### Watter vakke het werkboeke?

Tans is daar werkboeke vir Wiskunde en Natuurwetenskappe. Met enkele uitsonderings na is daar werkboeke vir die ander vakke, bv. Sosiale Wetenskappe Graad 4 & 5. Die goeie nuus is dat ons in 2021 begin om werkboeke vir alle vakke by te werk. By die meerderheid lesse is daar reeds werkkaarte beskikbaar.

#### Hoe moet ek die werkboeke gebruik?

Die werkkaarte/werkboeke is in PDF-formaat en is nie interaktief nie. Dis net vir oefening. Anders as die assesserings vul mens nie die vrae in op die rekenaar nie. Sommige leerders laai dit af, druk dit uit en werk dan daarop. Dan gebruik hulle die memorandum om dit self te merk. Uiteindelik dien dit as opsommings. Ander leerders hou dit op die rekenaar, skryf net die oefeningnommer in 'n huiswerkboek en skryf dan die bewerkings en antwoorde daarin. Daarna vergelyk hulle dit met die memorandum om te kyk of dit reg is.

### Hoekom werk die skakels in die werkboek nie?

Ons het onlangs 'n groot opgradering van die stelsel gedoen en die skakels na die lesse en video's het dus verander. Die werkboeke wat nog die ou skakels in het, sal binnekort met die nuwe skakels bygewerk word.

Die volgorde van die lesinhoud op Die Wolkskool en die inhoud in die werkboek stem ooreen. Jy kan dus intussen die Wolkskoollesse en video's maklik volg soos wat jy deur die werkboek vorder.

## Watter tegnologie is nodig?

### Die Wolkskool deur 'n webblaaier

Gebruik 'n moderne webblaaier (browser) soos Chrome, Edge, Safari of Firefox. Internet Explorer is oud en behoort nie meer gebruik te word nie. Die Wolkskool beveel Chrome aan. Sorg vir 'n stabiele Internetverbinding met genoeg data.

Jou kind kan Die Wolkskoollesse deur 'n gewone slimfoon doen. Dit is dus nie nodig vir 'n skootrekenaar nie. As jy 'n stabiele Internetverbinding het, hoef jy geen programme te installeer nie.

### 'n Drukker

'n Kleurdrukker is 'n aanbeveling om die werkboeke wat in pdf-formaat is, uit te druk.

### Die Wolkskooltoepassing/app

Die hoofdoel van die app is om gebruikers in staat te stel om die video's af te laai vir latere gebruik waar daar óf nie internet is nie óf om data te spaar. Vir meer inligting oor die app, kyk na vraag **Wat is die Wolkskool-app en waar kry ek**

**dit?** op <https://skole.co.za/wolkskoolvrae>.

## Wat is die Wolkskool-app en waar kry ek dit?

Die Wolkskool-app is 'n applikasie- of toepassingsprogram vir mobiele toestelle wat Google se Android of Apple se IOS as bedryfstelsels gebruik. Dit kan by die volgende webadresse afgelaai word:

Android: <http://play.google.com/store/apps/details?id=vt.wolkskool.co.za>

Apple: <http://apps.apple.com/za/app/wolkskool/id1552174851>

Vir nuwe Huawei-fone kan die APK by <http://verge.co.za/files/app-release.apk> afgelaai word.

Maak seker die XAPK installeerder (<https://apkpure.com/xapk-installer/com.apkpure.installer>) is reeds geïnstalleer.

Vir Android-fone: Onthou om die toegang aan Die Wolkskool-app te gee om video's en ander materiaal af te laai en te stoor: <https://support.google.com/android/answer/9431959?hl=en>

Die app is aanvullend tot die Wolkskool webwerf ([wolkskool.co.za](http://wolkskool.co.za)) en het nie al die funksionaliteite nie. Die hoofdoel van die app is om gebruikers in staat te stel om die video's af te laai vir latere gebruik waar daar óf nie internet is nie óf om data te spaar.

Kyk gerus die volgende video oor die installasie en gebruik: <https://youtu.be/UxBMxpz24TM>

## Hoeveel data het ek nodig?

Dit hang af hoe vinnig mens wil vorder deur Die Wolkskool.

Dit werk uit op ongeveer 5 Mb per minuut op die video's. Die gemiddelde duur van video's is ongeveer 20 minute, wat jou op 'n gemiddelde van 100 Mb per video uitbring en ongeveer 1 Gb vir elke 10 video's. Sommige lesse het 3 video's in en jy kan maklik een les in 'n dag doen per vak.

Die Wolkskooltoepassing (app) stel leerders in staat om baie kleiner (maksimum 40 Mb) video's af te laai om later te kyk. Dit is beskikbaar op Google Play en App Store. Sien vraag "Wat is die Wolkskool-app en waar kry ek dit?" op <https://skole.co.za/wolkskoolvrae/>.

## Waarom sien ek nie die video's nie?

As jy Internet Explorer gebruik, dit is ou tegnologie en dit sal nie moderne toepassings kan hanteer nie.

Maak hierdie skakel (<https://www.whatismybrowser.com/>) oop en jy sal sien watter webblaaier ("browser") jy gebruik en sien dat JavaScript nie geaktiveer is nie. Dit is die probleem. Moderne toepassings gebruik JavaScript en as jy dit aktiveer, sal dit steeds nie goed funksioneer binne ou tegnologie (Internet Explorer) nie. Moderne "browsers" soos Chrome gee nie vir jou die probleem (en sommer baie ander probleme) nie. Hier is die skakel om dit af te laai: <https://www.google.com/chrome/>

## Hoe stop ek die outomatiese kaartaftrekking?

Individue is self verantwoordelik om betaling te stop. Teken in op die profiel <https://wolkskool.co.za/profiel>, klik op "My Profiel" en verwyder die kaart heel onder. Daar sal dus nie 'n kaartaftrekking in die toekoms kan plaasvind nie.

## Hoe kanselleer ek / verwyder ek my profiel?

Individue is self verantwoordelik om betaling te stop en die profiel te verwyder.

1. [Teken in](#) op Die Wolkskool
2. Druk op die afpyltjie langs jou naam
3. Klik op [My Profiel](#)
4. Druk op die rooi "Verwyder Profiel"
5. Lees die bevestigingsboodskap
6. Druk op die oranje "Ja" om te bevestig

## Hoe maak ek as ek nog iets wil weet of steeds sukkel?

Stuur net 'n e-pos aan [wolkskool@skole.co.za](mailto:wolkskool@skole.co.za) of stuur 'n Whatsapp na 071 509 2588. Probeer om te sê presies waar in die proses jy vashaak. Wat sien jy voor jou? Maak 'n skermkoot indien nodig en stuur dit per e-pos.

## My kind het ingeskryf, wat nou?

Dit is algemeen bekend dat slegs sowat 1-2% van mense hul aanlyn-kursusse voltooi, en dit is by volwassenes! Jou kind sal dus uitermate gedissiplineerd moet wees as alles aan hom/haar oorgelaat word. Moet dus nie hierdie stuk tegnologie as die "silver bullet" sien wat jou kind nou eweskielik met nuwe inspirasie en energie die res van sy/haar skoolloopbaan sal laat deurdraaf nie. Dit bied bloot meganismes tot jou en jou kind se beskikking om meer beheer te kry oor sy/haar skoolloopbaan. Harde werk en toewyding bly dus kritiek.

### Hier is jou kans om as ouer sinvol betrokke te raak

Ouerbetrokkenheid is dus steeds baie belangrik, maar nou raak dit net meer haalbaar! Deurdat die lesse by die huis toeganklik is, kan jy beskikbaar wees om jou kind by te staan. Daaby kry jy gereelde vorderingsverslae per e-pos.

Die Wolkskool is op die Suid-Afrikaanse kurrikulum vir skole, d.w.s. KABV (CAPS), gebaseer en Die Wolkskool kan maklik belyn word met dit wat in die skool gebeur. Dit is dan maklik vir jou as ouer om te weet waar jou kind min of meer is en moet wees.

### Voordele van 'n Wolkskoolles bo 'n klasles

Jou kind het, anders as in die klaskamer, met Die Wolkskool die geleentheid om 'n videoles oor en oor te kyk totdat hy/sy dit verstaan. En dit teen sy/haar eie pas, vanaf enige plek en op sy/haar eie tyd.

En moenie vergeet dat jou kind vooruit kan werk nie - of terug kan gaan as hy/sy nie kan onthou nie! Hy/sy kan dus voorberei vir die volgende dag se les en vir die onderwyser vra indien daar konsepte is wat hy/sy nie verstaan nie. Hier is nou die geleentheid!



## Werkboeke

Sekere Wolkskoolvakke het ook werkboeke wat jy gratis kan aflaai en uitdruk. Daar is spasie vir oefeninge en dit bevat ook talle verwysings na Wolkskoollesse en handboeke wat algemeen in skole gebruik word. Dit is visueel aantreklik en dit help regtig baie om die kolletjies van alles wat geleer moet word, te verbind.

### Die eerste prys: Jou kind se skool gebruik Die Wolkskool

Die kersie op die koek sal natuurlik wees as jou kind se onderwyser of skool Die Wolkskool as hulpmiddel gebruik. Vaardige onderwysers gebruik aanlyn platforms soos Die Wolkskool sodat kinders hulle vakkennis bemeester, en dan gebruik hulle klastyd vir die toepassing van die kennis deur projekte en/of probleemoplossing. Hulle kan dan ook sien watter kinders die werk bemeester het, nuwe uitdagings stel of kennisgapings en verstaansvlakke help vul. Boonop rig hulle die kinders af om as lewenslange leerders te ontwikkel wat aanlyn platforms daarvoor met groot vrug kan inspan. Laai gerus die **Wolkskool-handleiding vir ouers** af by <https://wp.me/aaknbq-3b4>.

Die Wolkskool ondersteun dan ook sulke onderwysers deur gereelde seminare, werkwinkels en aanlyn kursusse. Moedig asseblief jou skool aan om Die Wolkskool te begin gebruik. Ons hou gereeld praatjies by oueraande. Kontak ons asseblief by [wolkskool@skole.co.za](mailto:wolkskool@skole.co.za) indien jy wil hê ons moet met die ouers kom praat.

## Is daar 'n skedule/jaar- of kwartaalbeplanner vir die leerinhoud

Ons het ongelukkig nie 'n jaarbeplanner nie. Dit sal van leerders se tuisenskoolinstansie/skool se skedule afhang.

Die Wolkskool plaas wel inhoud volgens die KABV. Leerders kan min of meer 'n skedule uit die bestaande inhoud aflei, maar dit hang van die vak af. Soms is vakke in weke georganiseer. Sommige vakke het werkboeke wat skakels het met handboeke, wat wel volgens weke opgedeel is.

Die hele idee van aanlyn leer is dat leerders hul eie pas moet vind. Die Wolkskool skep die moontlikheid dat leerders so vinnig as moontlik kan werk. Vinnig, maar deeglik. Leerders moenie stop totdat hulle 100% die konsepte bemeester het nie (wat hulle sal sien deur die assesserings wat hulle oor en oor kan doen).

As leerders voel hulle raak agter, moet hulle harder werk en as hulle voel jy vorder vinnig, moet hulle hulself druk om meer te doen. Leerders kan selfs oorgaan na 'n volgende graad of as hulle iets in 'n vorige graad gemis het, terugspring na 'n vorige graad.

Dit noem mens selfgerigte leer. As hulle dit bereik het, het hulle beheer geneem vir hul eie leer. Hulle het dan die belangrikste vaardigheid aangeleer om die 21ste eeu suksesvol te betree.

## Onderwyser

### ONDERWYSERS: Hoe sluit ek aan by SOS se Vakverenigings?

Sluit aan by Die Wolkskool, hier is 'n kort video wat jou stap vir stap sal verduidelik hoe om aan te sluit: <https://youtu.be/vJT65JxHxt0>

### ONDERWYSERS: Hoe skep ek 'n onderwyserprofiel?

HIERDIE VIDEO wys aan onderwysers hoe om 'n **onderwyserprofiel** te skep.

### ONDERWYSERS: Tot watter materiaal het onderwysers toegang?

Onderwysers het toegang (net soos die leerders) tot alle grade, vakke, video's, werkboeke, werkkaarte en assesserings. <https://youtu.be/GI-QfJKufJk>

Onderwysers kan hul eie klaskamers opstel en hul eie inhoud aan leerders versprei.

### ONDERWYSERS: Hoe kan ek by 'n SOS-Vakvereniging se raadsaal aansluit en dit gebruik?

Hier is 'n kort video wat jou stap vir stap sal verduidelik hoe om aan te sluit: <https://youtu.be/wh6-KcWtdpo>

### ONDERWYSERS: Hoe skep ek 'n klas?

HIERDIE VIDEO wys aan onderwysers hoe om 'n klas skep.

Hier is 'n kort video wat jou stap vir stap sal verduidelik hoe die aanlyn klaskamers werk:

<https://youtu.be/hjdVihSnICE>

### ONDERWYSERS: Hoe skep 'n onderwyser profiele vir al die leerders?

Volgens die POPI-wet moet ouers tydens die registrasie van die profiel die SOS se bepalings en voorwaardes aanvaar en daardeur toestemming gee dat die profiel van hul kind(ers) geskep kan word. 'n Onderwyser kan namens die ouer toestemming gee indien dit deur die ouer(s) na hulle gedelegeer is deur middel van 'n geskrewe mandaat.

### ONDERWYSERS: Hoe trek ek verslae?

HIERDIE VIDEO wys aan onderwysers hoe om verslae te trek.

Commented [MvW6]: Annelie ek dink jy kan hier jou antwoorde ook in werk

## **ONDERWYSERS: Hoe stel ek my grade?**

**HIERDIE VIDEO** wys aan onderwysers hoe om te spring tussen grade.

## **ONDERWYSERS: Wat is 'n raadsaal?**

verduidelik verskil tussen raadsaal funksionaliteit vir onderwysers asook hoe ons by die SOS raadsale aanwend vir hulpbronne.

## **ONDERWYSERS: Hoe skep ek 'n raadsaal?**

Hier is 'n kort video wat jou stap vir stap sal verduidelik hoe om 'n Raadsaal te skep:

<https://youtu.be/WKnVpK8Tubw>

## **ONDERWYSERS: Wat is Vraagbank?**

## **Bestuur**

**Hoe sluit ek my skool aan by Die Wolkskool?**

## **Ander**